



Inatsisartunut ilaasortaq Naaja H. Nathanielsen, Inuit Ataqtigiit
/MAANI

§ 37 malillugu aalisarnermut aningaasaliissutissat pillugit apeqqutininut 71/2015-imiittunut akissuteqaat

Inatsisartut suleriaasissaanni § 37-mi imm. 1 malillugu aalisarnermut aningaasaliissutissat pillugit apeqquteqaateqarputit. Apeqquteqaat uannut akisassanngortinneqarsimavoq.

Apeqquteqaat:

1. Sooruna Aalisarnermik Ineriartortitsinermit Aningaasaateqarfimmi aningaasanik atorineqanngitsoorsimasunik uninngasoqartoq?
2. Ukiuni 2012, 2013, 2014-imilu qassit qinnuteqarsimappat aamma aningaasat qinnutigineqarsimasut qassiuppat?
3. Qinnuteqaatinik itigartitsisoqarsimava 2015-imut "katersiniarneq" pissutigalugu?
4. Aningaasat uninngasuutigineqalersimasut ukioq manna tamarmik atorineqarnissaat Naalakkersuisunit ilimagineqarpa?

Akissut:

1-imut:

Aalisarnermik ineriartortitsinermit aningaasaliissutissat "isaterinermit" aamma "aalisarnermit" tapiissutininut avinneqarsimapput. Taamaammat aningaasaliissutit sinerissamut qanittumi aalisarnermi aalisariutinik ingerlaavartumik taarsersuinermit nutarterinermullu pilersaarutinullu nutaaliorfiusunut tapiissuteqartarnernut taamatullu sinerissamut qanittumi aalisarnermi angallatinik pisoqalisunik isaterinermit tapiissuteqartarnernut atorneqartarput.

Qulaani tapiissutaasinnaasut eqqartorneqartut Inatsisartut inatsisaannik nr. 15 20. november 2006-meersumit kingusinnerusukkut allanngortinneqarsimasumi aalajangersaaffigineqartarput.

Nutaamik angallatitaarniarluni qinnuteqarnermi, tapiissagaanni piumasaqaataavoq naammeneq aningaasaliissutissat pisariaqartinneqartut piginissaat. Amerlasuutigut tamanna uppersarneqarsinnaasangilaq, tamaalilluni qinnuteqaatit itigartinneqartarlutik.

Aserorterinissamut qinnuteqaatit amerlanerusut akuerineqannginnerinut peqqutaavoq, inatsisip taaneqartup immikkoortua imatut allassimasoq: "Isaterinissamut tapiissutit tunniunneqarnerini aalisarsinnaanermut akuersissut aamma inuussutissarsiutigalugu aalisarnermit akuersissutit tamarmik atorunnaassapput"

Taakkulu peqqataallutik ukiuni kingullerni qinnuteqaatit, kiisalu tapiissutit tunniunneqartarsimasut amerlanerunngillat.

2-mut:

30-03-2015

Suliap normua 2015-112857

All. nr. 1907474

Postboks 269

3900 Nuuk

Oqarasuaat (+299) 34 50 00

Fax: (+299) 34 63 55

E-mail: apnn@nanoq.gl

www.naalakkersuisut.gl

Tabeli kinguliiniittoq inatsimmi §§ 2 aamma 3 malillugit nutarterinernut aallarnissaaniarlunilu pilersaarutitut tapiissutissanik qinnuteqarnernut aamma inatsimmi § 14 malillugu isaterinernut tapiissutissanut avinneqarsimavoq.

Kisitsisinut tunngavigineqarpoq qinnuteqaateqartup ataatsip assigiimmik qinnuteqaateqarnerminut tunngavigisallip ataasiaannarluni taamaallaat allassimanissaa. Assersuutigalugu: qinnuteqaateqartoq 2012-imi § 2 malillugu tapiiffigineqarnissaminik qinnuteqarsimappat itigartinneqarlunilu qinnuteqaammi tapiissutisinissamut piumasaqaatit naammassineqarsimannngimmata kisiannili 2013-imi taakkuninnga qinnuteqaateqaqqilluni, tassani pineqartup piumasaqaatit naammassisimappagit, taava qinnuteqaat taamaallaat 2013-imi takuneqarsinnaassaaq.

Nutarterinissamut nutaaliornissamullu pilersaarutitut tapiiffigineqarnissamik qinnuteqaatit		
Ukioq:	Qinnuteqaatit qassiuneri:	Aningaasat qinnuteqaatigineqartut (katillugit):
2012	18	6.383.448
2013	9	7.040.996
2014	19	10.902.745

Qulaani taaneqartut saniatigut Aalisarnermut, Piniarnermut, Nunalerinermullu Naalackersuisoqarfiup tiguspapai apeqquteqaaterpassuit, aalisarnermut ineriartortitsinissamut tapiissutitut tunngasut.

Aserorterinissamut periarfissanik apeqquteqaatit amerlanertigut inernerisarpaa aalisartup, paasigaangamiuk, tapiisoqassappat aalisarsinnaanermut allagartat licensit annaaneqarnerinik.

Angallatinik nutarsaaniarnermut, pisiniarnermilluunniit tapiissutasinnaasunik periarfissanik paasiniaareernerup kingunerikkajuppaa, aalisartup qinnuteqaammik nassiussingitsoorneranik. Tassani piumasaqaataammat, nammineq 10% pigisariaqara, kiisalu uppernarsarlugu 50% allamiik aningaasaliissoqarusuttoq.

3-mut:

Naamik, aningaasanik sipaarniarluni qinnuteqaatinik itigartitsisoqarsimannngilaq. Qinnuteqaatit itigartitsilluni nalunaarutigineqartut taamaallaat itigartinneqarsimapput tapiissutisinissamut piumasaqaatinik naammassinnissimannngimmata. Itigartitsinernut tunngavigineqartartut piumasaqaatinik inatsimmi allassimasunik taamaallaat aallaaveqartarput.

Nutarterinissamut tapiissuteqartoqarnissaanik qinnuteqaatit eqqarsaatigalugit qinnuteqartup itigartinneqarneranut uppernarsaatissanik pingaarutilinnik amigaateqakkajunnera tunngavilersuutaasarpooq, arlaannik qinnuteqartoqarsimanagera inatsit malillugu tapiiffigineqarsinnaanngitsunik imaluunniit pineqartup allanik 60 %-inik aningaasaliinissaaq eqqarsaatigalugu piumasaqaatinik nammassinnissimannnginnera. Uppernarsaatissat pingaarutilit amigaataappata naalackersuisoqarfiup tamatigut qinnuteqartoq tamakkuninnga ilitersussavaa qinnuteqartorlu qinnuigalugu uppernarsaatissat amigaataasut pissarsiareqqullugit. Qinnuteqartoq taamaalilluni tamakku nassiunnissannut killilimmik piffissalernerqassaaq. Taamaallaat uppernarsaatissat nassiunneqanngippata qinnuteqaateqartoq tulliullugu itigartitsissummik tigusaqassaaq.

Isaterinissamut tapiissuteqartoqarnissaanik qinnuteqaatit eqqarsaatigalugit tunuliaqutaakkajuttarpoq angallatip ukiut 25-t ataallugit pisoqaassuseqarnera imaluunniit angallatip aalisariutigineqarunnaarsimanera. Assersuutigalugu angallat ukiut marluk-tallimat siusinnerusukkut kingullermik aalisarnermut atorneqarsimappat.

4-mut:

Ukioq manna siusippallaarpoq eqqortumik oqaatigissallugu aningaasaliissutit atorneqarumaarnersut imaluunniit naamik. Naalackersuisut soorunalimi tapiiffigineqarnissamut periarfissat atorneqarsinnaasut paasissutigineqartarnerat sulissutigaat. Taamatuttaaq Naalackersuisut aningaasaliissutit atugassanngortinneqartut atorneqartarnissaattaq aallaavigalugu sulipput, taamaattorli malittarisassat atuuttut malillugit tamanna pisinnaalluni.

Inussiarnersumik inuulluaqqusillunga
Med venlig hilsen

Karl-Kristian Kruse